



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



**LMPS le World Vision
li otlala bashanyana**


6

**Letšeng e
ntlafatsa sechaba**

8



O FUOA THOMO

www.moeletsioabasotho.co.ls

Re se re fumaneha ho
marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Khalapa li'a buseletsana

Khaello ea metsi e tl'o ba pale ea maobane

Metsi ke khauta e tsoeu ea Naha ea Lesotho eo e ikhantšang ka eona. Batho ba re lithaba tširuoak makhalo re bone matsi a rekoa ka lichelete, ekaba a ea kae metsi a lihlaba tsa Lesotho, bana ba Basotho ba lula balla bosiu le motšeara ba bolaoa ke lenyora.

E se e batla e le nako e telele bana ba Basotho balla seboko sa phohomela ka ho se fumane metsi, feela naha ena le metsi a mangata a bileng a hloekileng, empa ke ane a tšelela linaheng tse ling, empa sechaba sona se lutse se omelelitse melomo le ho bolaoa ke Lenyora.

Motho ha o thotse o shebile o le thoko mane oa bona hore joale ho fihlile nako ho baikarabellang hore pele metsi a tšela, a tsoele Basotho molemo ba a sebelise mabakeng a fapakaneng joaloka temong le ka malapeng.

Sechaba sa Leribe le Maputsoe hlathe e lelekisa tsebe haele mona joale tonnoro e tlosang metsi Tšehlanyane ho a tliša matamong a Hlotse e tla phetheloa. Phepelo ea metsi metseng e tl'o ntlafala esita le ho matlafatsa bophelo ba baahi ba sebaka seo. Ke sebaka se nang le tšubuhlellano e ngata haholo ka lebaka la lifeme tse ngata sebakeng seo. 'Me taba ena e tl'o fokotsa le mafu kaha joale bohloeki bo tla ba teng ha metsi a le teng.

Ka hona sechaba sa heso hlokomelang lintlafatso, haholo hobane li molemong oa lona, e le hore li tle li tsoelepele ho sebeletsa meloko e tlang. Morero ona o tla matlafatsa litšebeliso tsa bohlokoa tse kang litsi tsa bophelo bo botle, likolo le likhoebo.

Sechaba sa Mokhotlong morao tjena molomo oa ketlele o shebile ka ho sona. O hlaha ka lena lekhalo o tla fumana sechaba sa moo se khasa kahar'a lintlafatso, tseo khabareng ba tlang ho itjara ka ho itsamaisetsa tsona le ho li hlokomela, le ka ho itlhaitsetsa mesebetsi le ho phelisa ba malapa a bona. Ebe lebaka ke hobane ke setereke se nang le lirafshoa tse nagata? Ke sona se etsang hore sechaba sa ka moo se une molemo?

Morafo oa Letšeng ke eo e bontša hantle hore khalapa li'a buseletsana ka ho khutlisetsa sechabeng. Ke litsi tse peli tsa tlhahiso ea mahe tseo sechaba sa moo se lifumaneng ho tsoa ho barafi tse kenyeletsang matlo a balebeli, poloko, likhoho khokahano e motlakase, phepelo ea metsi le terata ea tšireletso.

Ke litaba tse khothatsang tsena 'me re lumela hore tlhahiso eo e tla sebeletsa hore e fepele setereke seo sa Mokhotlong, 'me re utloile hore sechaba se ntse se fumana tšehetso hape ea ho fa lihoai lithupelo e le ho matlafatsa tlhahiso ea temo le bakeng sa khoebo.

Thupa e otloloa e sa le metsi. Sena seo Sepolesa sa Lesotho se se etsang, ruri re tla teha ka banna ba bohlokoa, haholo hobane ke sona sechaba sa kamoso. Ba otile bana ba bashanyana linthong tsa bohlokoa, tse kenyeletsang boetapele le litsebo tse bophelo, ho ithuta ka polokeho ea marang-rang, likotsi tsa lithetefatsi, thibelo ea likotsi tsa mollo, thuso ea pele hammoho le bohlokoa ba bophelo bo botle le ba kelello.

Boitšoarō bo botle le hlomphe le litokelo le boikarabello ba ba bana le ho nena botlokotsebe. Ngoana ke oa bohle e ka khona a bokaneloe ke mafapha oohle a nang le kobabohali kholisong le tlhokomelong ea hae. Bo-ntate ha re qokeng le bana ba rona ba bashanyana, ha re ba feng tsebo letataiso e le hore ba tle ba ba se ke ba kena litlolong tsa molao, le hore ba tsebe ho nka liqeto tse nepahetseng. Mananeho ana a mofuta o tjena a hloka hahala khafetsa le hore a anela naha ena ea Lesotho kaofela.

Khosatsana Maseeiso o khothaletsa tlhokomelo e kopanetsoeng ho bana ba banyenyane. A re hona le bana ba hloakang, 'me ho fana ke pontšo ea ho bontša bohlokoa ba lerato le kutloelo bohloko le bonngoe sechabeng. Letsoho le fanang le hlohonolofala ho feta le amohelang. Ha re thuseng ka hohle-hohle ho mahae a hlokomelang bana.

Nthabeleng Seitlheko

Baahi ba Leribe le Maputsoe ba lebeletse ho una molemo phepelong e tsitsitseng ea metsi ha morero oa khaho ea tonnoro e tsamaisang metsi ho tloha Tšehlanyane ho ea matamong a Hlotse o lebelletsoe ho phethoa mafelong a Loetse selemong sena.

Sena se hlahile nakong eo Lekala la Metsi le ileng la

morero o seng o fihlile teng.

Letona la Metsi Mohlomphehi Mohlomi Moleko o boletse hore o khotsofetse ke tsoelo-pele ea mosebetsi, a re morero ona o tla matlafatsa phepelo ea metsi le ho ntlafatsa bophelo ba baahi.

O boetse a tiisa bohlokoa ba hore likhoebo, lihoai le basebelisi bohle ba metsi ba be le mangolo a tumello ea tšebeliso ea metsi. Ho ea ka eena, sena se tla thusa lekala ho tseba palo ea metsi a sebelisoang le ho rala phepelo ka nepo, kaha ho tla sebelisoa limithara

teng ka lilemo seterekeng sena e tla fokotseha haholo ha morero ona o phethoa. O ipilelitse ho baahi ho sireletsa meaho ena hore e tsoelepele ho sebeletsa meloko e tlang.

Ka lehlakoreng le leng Setho sa Paramente sa Pela-Tšoeu 'Mope Khati, o khothalelitse baetapele ba sechaba ho sebeletsa 'moho le baahi, 'muso le bo-rakonteraka ho netefatsa hore merero ea ntšetsopel e tliša melemo e tsitsitseng sechabeng.

Morero ona o lebelletsoe ho matlafatsa litšebeliso



kopana le bo-rakonteraka Tšehlanyane ka la 24 Phupu monongoaha ho hlahloba tsoelo-pele ea mosebetsi le ho fumana tlaleho ea moo

tse lekanyang tšebeliso ea metsi.

'Musi oa Setereke sa Leribe Letsema Khalanyane, o re khaello ea metsi e bileng

tša bohlokoa tse kang litsi tsa bophelo bo botle, likolo le likhoebo ka ho netefatsa phepelo ea metsi e tsitsitseng Leribe le Maputsoe.



MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLING (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Khosatsana 'Maseeiso o etela lehae la bana

Nthabeleng Seithleko

Khosatsana 'Maseeiso Mohato Seeiso o kopile ho sechaba sa Basotho ka kakaretso ho sebetsa 'moho bakeng sa ho tšehetsa kholo le ntšetsopele ea bana ba banyenyane, kaha ba hloka tlhokomelo e kopanetsoeng hore ba tle ba fihlele katleho ea bona ka botlalo. Khosatsana o e ntse kopo ena moketeng oa phano ea likobo le liaparo ho bana o neng o tšoaretsoe Lehaeng la Bana la St. Cecilia seterekeng sa Berea, ka la 25 Phupu monongoaha.

Khosatsana 'Maseeiso o itse ketso ena e bontša bohlokoa ba lerato, kutloelo-bohloko le bonngoe sechabeng. A khothaletsa Basotho ho ananela, ho phelisa le ho kenye letsoho kholisong ea bana kaha e le tsona tse tla thusa ho aha bokamoso bochabileng bakeng sa naha. A re ketelo

ea hae ke ho tla etsa tlhokomeliso ho sechaba hore hangata bana ba bangata ba hloka tlhokomelo ba angoa haholo ke serame se

habo o kile oa etela Lehae la Bana la St. Cecilia moo o ileng oa fana ka lifate.

Mothehi oa Lehae la Bana St. Cecilia Fr. Augusti-

Lehae lena le tle le tsebe ho itlhlahisetsa lijo le ho fokotsa ho itšetleha ka lithuso tsa kante.

Phano ena ea limpho e

Rosebank teropong ea Johannesburg, Afrika Boroa.

Nakong ea ketelo ea Khosatsana 'Maseeiso o ile a qeta nako a bapala



matla sa Mariha.

Ha a bua moketeng ona, Molula-Setulo oa Bacha oa Mokhatlo oa Machaba oa Rotary, Monghali Makhetha Motsoari o itse mokhatlo oa

nus Pule Mhlakau o lebohile Mokhatlo oa Rotary ka tšehetso ea ona eo o ntseng o e ntšetsapele. A kopa ka ho khetholoha thuso ea lisebelisoa tsa temo e le hore

entsoe ke Mokhatlo oa Rotary oa 'Mantsopa, Mokhatlo oa Rotary oa Qiloane, Mokhatlo oa Rotary oa Setsi sa Lithuto tsa Mahlale le Mokhatlo oa Rotary oa

le bana lipapali tse fapaneng, e le sesupo sa ho aha tšebeliso-'moho, ho etsa mesebetsi ea ntlafatso le ho matlafatsa litsebo tsa bona.

Econet le UNDP li tlabola selekane

Nthabeleng Seithleko

Kampani ea Econet Telecom Lesotho le Mokhatlo oa Machaba a Kopaneng oa Ntšetsopele (UNDP) li tlabotse selekane sa tumellano ea tšebeliso-'moho se retsoeng ho matlafatsa tšebeliso ea tsona ea ho ntšetsapele phetoho ea marang-rang ka tšebeliso ea Bohlale ba Maiketsetso (AI) le boqapi molemong oa ntšetsopele ea sechaba le moruo oa Lesotho. Tsena li bile ka la 28 Phupu monongoaha.

Mookameli oa Econet Telecom Lesotho, Dennis Plaatijs, o re tumellano ena ha se feela ketso ea semmuso empa ke bopaki ba hore marang-rang, boqapi le tšebeliso-'moho li na le matla a ho fetola bophelo ba batho, ho matlafatsa mekhatlo le ho potlakisisa ntšetsopele ea naha.

A re tšebeliso ena e nchafalitsoeng e bontša ka moo mahlale a ntseng a fetoha ka potlako ka teng le menyetla eo a fanang ka eona hore Lesotho le amohele mahlale a macha a kang Bohlale ba Maiketsetso (AI).

A re Econet e ntse e tsoela



pele ho tsetela, ho atolosa le ho ntlafatsa marang-rang a eona ho tšehetsa mahlale a tsoetseng pele a kang AI. A re kampani e ikemiselitse ho netefatsa hore Basotho ha ba salle morao nakong ena ea mahlale.

O boetse a tiisa hore meralo feela e ke ke ea tlisa phetoho ea marang-rang, empa ho hloka maano a matle, batho ba nang le litsebo le tšebeliso-'moho e matla hore marang-rang a

tsoele sechaba molemo.

A re tšebeliso ena e tla matlafatsa tikoloho ea boqapi ea UNDP, e le ho hlomella bacha ka litsebo tsa AI, tšireletso ea marang-rang le ntšetsopele ea mananeo a 'li-computer'. Econet ha e fane feela ka mesebetsi empa e boetse e tlisa tharollo e ncha mathateng a tobaneng le naha.

Motlatsi oa Moemeli oa UNDP, Dr. Taye Amssalu, o itse tšebeliso ena e se e

kentse letsoho haholo phetohong ea sechaba sa Basotho.

A re tšebeliso pakeng tsa UNDP le Econet e tšehelitse tsamaiso ea bophelo bo botle, tsa mahlale, litsi tsa thuto ea marang-rang naheng ka bophara, setsi sa boqapi sa UNIPOD le liforomo tsa mahlale tse nolofalletsang sechaba ho fumana litšebeletso tsa 'muso.

Amssalu o bontšitse hore tumellano ena e nchafalit-

tšebeliso ea AI e nang le boitšoaro le e behang batho pele, e le ho ntlafatsa phano ea litšebeletso le ho tšehetsa ntšetsopele ea naha.

Tumellano ena ea Econet Telecom Lesotho le UNDP e qalileng ka selemo sa 2022, 'me e akaretsa har'a tse ling likarolo tse kang khokahanyo ea marang-rang e le ho ntšetsapele AI, koetliso ea litsebo tsa marang-rang, boqapi le ho khothaletsa bo-rakhoeb.

soeng ke katoloso ea tšebeliso e le ho khothaletsa

MOELETSI O TŠEHETSA BACHA



Tšeliso Thakholi

Bacha ba bangata ho bonahala ba ntse ba iphapanyetisa 'nete ea hore bohla ba ho tseba ho iqapela mefuta e mecha ea likhoebo tse nyenyane ha ba qeta ho phethela lithuto tsa bona likolong tse phahameng tsa lithuto tsa mahlale le mesebetsi ea matsoho, e ka ba tharollo e kholo mathateng ao ba tobaneng le ona matsatsing ana, a leqeme le phahameng la tlhokahalo ea mesebetsi kahare ho bona. E le ho tiisa 'nete ea taba ena Mofumahatsana Mpho Lifoloane ke e mong oa bacha ba Naha ea Lesotho ba ipabotseng ka tšebetso ea hae e ntle, bao e itseng h'a qeta ho phethela lithuto tsa hae tsa mopheho le mokhabiso sekolong sa mopheho sa Mosh School of Baking and Catering, h'a ka ba a lula fatše a emela ho hiroa kapa hona ho ba tla mosebetsi, empa ka litsebo tseo a nang le tsona o ile a ithela khoebo e nyenyane e bonahalang e hola ka potlako e kholo e khabisang ka mebala e metle ea masela le lijana meketeng e fapakaneng ea sechaba. Khoebo ena ea hae e bitsoa LM Cakes Catering.

LERATO LA KHOEBO

Kholong ea ka ha e sa le ke le motho ea ratang mosebetsi oa matsoho ka pelo eohle ea ka, ho ba ka 'nete e hlile lithutong tsa hlooho ke ne ke se motle haholo. Ha e sa le ke rata mosebetsi oa matsoho hoo e itseng ha ke qeta sekolong sa mathomo le se phahameng, ke ile ka itjoetsa hore ha ke na ho ea junifesithing, empa thahasello ea ka ke ho tla etsa mosebetsi ofe kapa ofe oa matsoho. Ha e sale ke hola ke rata ho pheha haholo. Lipitseng teng ha e sa le e

haufi le Maseru Club.

Ha ke se ke ena le selemo ke rekisa lijo tse lutlisang mathe ka monate, ke ile ka ba le monahano oa ho tlhela khoebo ea lijo ke qale ena ea mekhabiso. Ka lehlohonolo ke ile ka ba le 'm'e ea ileng a nthusa haholo hore mohopolo ona oa ka o atlehe. Ke ile ka ithuta tse ngata tsa bohlokoa haholo ho eena nakong eo ke neng ke ntse ke mo thusa ho pheha lijo. Ke hona moo ke ileng ka boela ka ithuta hore mopheho le mekhabiso lia 'moho.

MOKHABISO

Ka lebaka la hobane ha e sa le ke le motho ea ratang makhetha, ke ile ka utloa ke se ke khahloa haholo ke mokhabiso. Ke ha ke tla tlhela mopheho ke qale mokhabiso ho tlhela ka 2019 ho fihlela kajeno. Hantle mokhabiso e ne e se ntho eo ke e tsebang kapa le ho utloela feela ka ona. E ne e se ntho eo ke e tsotellang ha kalo ho ba ke ne ke sa etsebe le haholo. Empa ha



ke le sekolong ke hona moo ke ileng ka ithuta mokhabiso, kaha ke ne ke kopana le batho ba bangata ba itšebetsang ka mopheho le mokhabiso. Ke hona moo ke ileng ka nka malebela.

MEFUTA EA



MEKHABISO

Ke etsa mekhabiso meketeng e fapakaneng e ka ba machato, manyalong mona moo o tla fumana hona le phano ea mahali le teng re ea khabisa, matsatsi a tlhaho ha motho a tli'o ba le ngoana h'a fihla hae a fumane ho le ho tle re khabisitse ka makhetha, mekete ea 'li galar dinner'. Re khabisa le meketeng ea boithabiso, likapeso ka ho fapakana ha tsona le e meng e mangata rea khabisa ka makhetha le ka bottle bo hlolang.

HO IQALLA KHOEBO

Ho iqalla khoebo melemo ea eona e teng e mengata haholo, empa ha se mang le mang ea ka etsang khoebo, empa mocha hao qala mosebetsi ofe kapa ofe tseba hantle seo o lokelang ho se etsa. Ba ka ratang ho tsoana le 'na ke hore ba shebe hantle hore na ba batla ho etsa likhoebo tsa mofuta ofe. E kholo ke hoba le lerato la khoebo eo mocha a batlang ho e qala. 'Na ka 'nete mamati a butsoe hore

Ntho ea pele eo ke e hlokometseng ke hore motho ha e mele mafelo a khoeli hore a be le chelete. Chelete e kena letsatsi ka leng ho sa khathallehe hore na ke bo kae. Monate oa khoebo ke hore motho o tseba hantle hore h'a hiroa. E 'ngoe hape ke hore motho o fetoha mookameli oa hae ka bo-eena, empa batho ba tla molaola ke baji ba litšebeliso tsa hae kaha e le bona ba bohlokoa haholo ho feta lintho tsohle.

KHOTHALITSO HO BACHA

Ka lebaka la leqeme le teng la tlhokahalo ea mesebetsi kahare ho bacha, ke ba khotlaletsa hore ba iqalle likhoebo. Bongata ba bacha ba tsoang likolong tse fapakaneng, bana ke monahano oa hore ke setlamo sa hore ba hiroe, empa ba ena le litsebo tseo ba ka tsebang ho iphelisa ka tsona ka ho iqalla likhoebo. Ha ngata ha ba utloe e ka ba ka iqalla likhoebo fatše ba batla tse seng li ntse li le teng, tse seng li

ntse li tsebahala. Mocha a tsebe hore sohle seo a se ratang liqholotso ke ntho e teng, li ke ke tsa fela kaha ke karolo ea bophelo.

Mocha e ba le lerato la khoebo eo o e ratang. Etsa ntho eo o e ratang o se ke oa qala khoebo feela hobane o bona mang a se a holile a se a bile a tsebahala. Mocha qala khoebo o sa sheba feela hore motho ea itseng khoebo ea hae e holile o batla ho tsoana le eena. Hao fihlelehe habonolo haholo empa ha motho a etsa ntho eo a nang le lerato la eona a ka atleha hore a e fihlele. Melemo e mengata haholo eo o ka e fumanang hao ena le khoebo eo e leng ea hao. Motho ha ona le khoebo ha hlahisetse eena feela mesebetsi, empa le batho ba bang esitana le naha e fumana molemo kaha moruo oa hola ka lebaka la ho lefa lekhetho.

BOHLOKOA BA KHOEBO

Sepolesa se amohela moaho

Nthabeleng Seitlheko

Mokhatlo oa World Vision Lesotho o nehelane ka liofisi tse ncha tsa Child and Gender Protection Unit (CGPU) Morija, ka la 24 Phupu monongoaha, e le karolo ea boiteko ba ho matlafatsa tsireletso ea bana le ho tlaleha ha tliekefetso (GBV).

Liofisi tsena li etselitsoe ho fana ka sebaka se sireletsehileng le se bolokang lekunutu, moo bana le basali ba tsoang Morija le metseng e haufi ba ka tlalehang linyeoe tsa tliekefetso le ho fumana litšebeletso tsa tšehetso.

Ha a bua moketeng oa nehelano, moemeli oa World Vision Lesotho, Maseisa Ntlama, o re mokhatlo o amehile ka boemo ba liofisi tse ngata tsa CGPU naheng, kaha tse ngata ha li finyelle maemo a behiloeng

ke molao.

O itse qeto ea ho aha liofisi tsena ke mokhoa oa ho netefatsa hore litšebeletso tsa CGPU li fanoa tikolohong e sireletsehileng le e

loketseng bana. "Sepheo sa rona ke hore bana ba tlang mona ba se ke ba ikutloa eka ba isitsoe teronkong, empa ba ikutloe ba sireletsehile, ba amohetsoe,

hape ba be le tšepo ea hore mathata a bona a tla rarolloa," ho boletse Ntlama.

O boetse a re tšebelisa-no-'moho pakeng tsa World Vision Lesotho le Sepolesa

sa Lesotho (LMPS) e qalile ka selemo sa 2016, 'me e se e hlahisitse likamano tse matla tse reretsoeng ho sireletsa bana le ho matlafatsa litšebeletso tsa



Moetapele oa YES o fuoa thomo

Nthabeleng Seitlheko

Moetapele oa Lekhotla la Tumelo ea Basotho (YES), Molefi Ntšonyane, o khethiloe ho emela Lesotho e le e mong oa balebelli ba likhetho tsa Zambia tse tla tsoaroa ho tloha ka la 13 ho isa la 16 Phato 2026, e le e mong oa balebelli ba likhetho ba SADC.

Puisanong le koranta ena ka la 30 Phupu 2026, Nthonyane o boletse hore lekhlotla la habo la Yes le khethiloe ke Paramente ho tlatse sekheo sa moifo oa SADC o tla beha tšebetso ea likhetho leihlo Naheng ea Zambia.

O re thomo ena e mo fa monyetla oa ho ithuta haholoanyane ka tsamaiso ea likhetho le puso ea sechaba ka sechaba, haholo kaha ebile e le moetapele ea ntse a le mocha lilemong. O re boiphihlelo boo a tla bo fumana bo tla mo thusa ho utloisisa hore na Zambia e sebetsana joang le mathata a hlahang nakong ea likhetho, e le hore tsebo eo e tle e tsoele Lesotho molimo.

Ntšonyane o boetse o khothalelitse bacha ho se sale morao litabeng tsa lipolotiki. O re moetapele ha bo itšetlehe ka chelete, empa bo hloka lerato la naha, boikarabelo le boitelo ba ho sebeleletsa sechaba.



"Ha se ka chelete hore motho a nke karolo litabeng tsa lipolotiki kapa likhethong, empa ke ka lerato la naha le boikarabelo ba ho kenya letsoho kholong ea eona," ho boletse Ntšonyane.

Ho khethoa ha hae ho bontša tšepo eo mekha ea lipolotiki le mekhatlo e tšehetsang puso ea sechaba ka sechaba e nang le eona boiphihlelong ba hae ba moetapele, hape ho mo fa monyetla oa ho matlafatsa tsebo ea hae litabeng tsa tsamaiso ea likhetho, puso e ntle le puso ea sechaba ka sechaba, e leng se ka thusang Lesotho nakong e tlang.

Molefi Ntšonyane ke e mong oa baetapele ba bacha ba hlahelletseng Lesotho. Ke mothehi le Moetapele oa Lekhotla la Tumelo ea Basotho, moo a ileng a phahamisa lentsoe la bacha litabeng tsa puso, puso ea sechaba ka secha-

ba le ntšetsopele ea sechaba.

Khetho ea hae e tla nakong eo ho ntseng ho e-ba le pitso e matla ea hore bacha ba fuoe monyetla e mengata ea moetapele. Ka la 29 Phupu 2026, Motlatsi oa Motsamai oa Lipuisano Ntlong ea Bakhethoa, Mohlomphehi Tšepang Tšita-Mosena, o ile a bontša a tšoenyehile ka hore Paramente ea Lesotho hajoale e na le litho tse tharo feela tsa bacha,

'me kaofela ke banna, ha ho na mosali le a le mong.

Mosena o re Paramente e lokela ho loanela bonyane karolo ea 40 lekholong ea boemeli ba bacha hobane ke bona ba utloisisang hantle litaba tse ba amang, hape ba na le makhabane a ka matlafatsang moetapele ba naha.

Ha a ne a bua koetlisong ea boralitaba e hlophisitsoeng ke MISA Lesotho ka tšebeliso-'moho le 'Gender Links', Mosena o ile a tiisa molaetsa oa hore "ha ho letho ka bacha ntle le bacha." A re bacha ba lokela ho ba karolo ea ho etsa melao le ho rala maano a ntšetsopele ea naha.

Moifo oa Lesotho o tla ea Zambia o boetse o kenyeletsa Mongoli e Moholo oa Lekhotla la Puso ea Sechaba, Mohlomphehi Tšitso Chaba, le Moetapele oa Lekhotla la Puso ea Sechaba ka Sechaba, Mohlomphehi Mothejoa Metsing.



mapolesa.

Ka lehlakoreng la LMPS, Motlatsi oa Mookameli oa Sepolesa, Dr. Mahlape Morai, o bontšitse kananelo ho World Vision ka tlatsetso ea eona ho ntšetsopele ea meaho ea mapolesa le ho phahamisa bophelo ba sechaba.

O itse ho tsetela ho bana ke mokhoa oa ho thibela botlokotsebe pele bo etsahala, kaha bana ba holisoang tikolohong e sireletsehileng ba na le monyetla o moholo oa ho ba baahi ba hlomphehang molao nakong e tlang.

"Tšebeliso-'moho ena ke mohato oa ho aha sechaba le naha. Lefa la World Vision le tla bonahala bophelong boo ba a fetotseng, eseng feela meahong eo ba e ahileng," ho boletse Dr. Morai.

CGPU ke lekala la Sepolesa sa Lesotho (LMPS) le ikarabellang ho batlisisa linyeoe tse amang bana le tliekefetso e ipapisitseng le bong, ha le ntse le fana ka tsireletso le tšehetso ho baphonyohi.

Ho tloha ka 2016, World Vision Lesotho e sebelitse le LMPS ho matlafatsa tsamaiso ea tsireletso ea bana ka ho aha meaho, ho phahamisa tlhokomeliso sechabeng le ho ntlafatsa litšebeletso tsa tšehetso.

Liofisi tsena tse ncha tsa bana Morija li lebelletsoe ho ntlafatsa phano ea litšebeletso tse sireletsehileng, tse bolokang lekunutu le tse behang lithoko tsa bana pele bakeng sa baahi ba Morija le libaka tse haufi.

Nthabeleng Seitlheko

SUBSCRIBE & BUY ONLINE!

Monongoaha re batla re qatsophile haholo ho tsa marang-rang. Fumana libuka tsena ho marang-rang a Akello Library

Mazenod BOOK CENTRE
Prepare good People for The Lord

TIPS TO ACCESS

<https://library.akello.co/downloads>

Steps to Access our Books on Akello Online Library

1. **Visit Akello Library:** Go to (<https://www.akellolibrary.com/>) or download the app on the link provided above.
2. **Sign Up/Log In:** Register or log in with your account.
3. **Search:** Use the search bar to find "Mazenod Book Centre" or specific book titles.
4. **Select a Book:** Click on the desired book to view details.
5. **Borrow or Buy:** Borrow free books or purchase premium ones as needed.
6. **Read:** Access the book online or download it for offline reading.

For issues, contact Mazenod Book Centre

WhatsApp: (+266) 57396597

akello
LIBRARY

FOR MORE
INFORMATION

22 322 213 / 27 350 562

ROLL e rupela sechaba ho etsa mashala



Nthabeleng Seitlheko

Baemeli ba sechaba ba fetang 55 ba tsoang metseng e pota-potileng sebaka sa Letšeng-la-Letsie, ba fumane koetliso ea matsatsi a mabeli mabapi le ho etsa mashala ka lihlahla tse hlaselang makhulo, e le karolo ea boiteko ba ho ntlafatsa mekhoe ea boipheliso le ho sireletsa tikoloho.

Koetliso ena e hlophisitsoe ke Lefapha la Meru seterekeng sa Quthing ka tšebeliso le Morero oa 'Regeneration of Livelihoods and Landscape' (ROLL) ka la 27 Phupu monongoaha. Morero oa eona ke ho ruta sechaba mokhoa oa ho fetola lihlahla tse hlaselang makhulo hore e be mashala a ka rekisoang.

Mohokahanyi oa Tikoloho le Meru seterekeng sa Quthing Motekoa Ramalitse, o re lena ke lekhetlo la pele koetliso e joalo e tšoareloa Quthing. O bole-tse hore e tla khothaletsa baahi ho tlosa lihlahla tsa 'Felicia filifolia le Chrysocomma', tse tsejoang ka Sesotho e le sehalahala, tse seng li aparetse makhulo.

O itse morero ona o tla thusa bacha hore ba kenelle mesebetsing e ba tsoelang

molemo, o matlafatse tšebeliso le morero oa ROLL, Moselantja Rahla o itse morero ona o tla thusa haholo basali ba qobeloang ho tsamaea maeto a malelele ho ea roalla patsi. O re hona joale ba tla khona ho etsa le ho rekisa mashala metseng ea habo bona, e leng se tla eketsa lekeno la malapa le ho fokotsa moralo oa ho batla mafura.

Mohlakomeli oa Meru seterekeng, Thabo Mphohla o re ho tlosoa ha lihlahla tse-na ho tla ntlafatsa makhulo a liphoofofo, ho eketse boleng ba boea ba nku le poli le ho fokotsa khoholeho ea mobu ka ho etsoa ha mela e thibelang ho khoholeho ea mobu.

O boetse a re Lefapha la Meru le tla tsoela pele ho

sebetisa le balekane ba tsamaiso ea tikoloho ho atolosa koetliso ena le libakeng tse ling tsa setereke.

Ofisiri ea Morero oa ROLL, Moselantja Rahla o itse morero ona o tla thusa haholo basali ba qobeloang ho tsamaea maeto a malelele ho ea roalla patsi. O re hona joale ba tla khona ho etsa le ho rekisa mashala metseng ea habo bona, e leng se tla eketsa lekeno la malapa le ho fokotsa moralo oa ho batla mafura.

Barupeluo ba re ba ithutile hore mashala ana a etsoa ka lisebelisoa tse fumane-

hang habonolo tse kang sehalahala, majoe a silang, meropa, phofo ea koro le liforomo tse entsoeng ka lipeipi tse khaotsoeng

E mong oa barupeluo, Maserabele Letsie o re koetliso ena e khothalelitse sechaba ho tlosa lihlahla tse hlaselang makhulo ka boithaopo, hape ba fumane tsebo ea ho hlahisa lipeo tsa lifate tsa litholoana tsa mofuta oa 'hybrid'.

Mocha ea nkileng karolo koetlisong, Retšepile Lemphane o re koetliso ena e bula menyetla ea boipheliso ho bacha ba batlang ho

iketsetsa mesebetsi.

Koetliso ena e latela e ileng ea tšoaroa ka Phupjane, moo sechaba se ileng sa ru-toa ho etsa mesamo, likobo tsa libethe le limmete tlasa morero ona.

Morero oa ROLL o boetse o kenngoa tšebetsong liter-keng tsa Thaba-Tseka, Leribe, Berea, Qacha's Nek le Botha-Bothe. O tšehetsoa ka lichelete ke International Fund for Agricultural Development (IFAD), Food and Agriculture Organization (FAO), Global Environment Facility (GEF) le 'Muso oa Lesotho..

27 350 562 / 57396597 (whatsapp)
bookcentre@mazenodprinting.co.ls

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

SCHOOL BOOKS

now available on the Akello Online Library!

<https://library.akello.co/>

Letšeng le ntlafatsa sechaba

Nthabeleng Seithleko

Morafo oa Letšeng oa litaemane o nehelane ka molao Morero oa Tlhahiso ea Mahe ho Thialala Egg Circle Association, moketeng o neng o tsoaretsoe Thabang seterekeng sa Mokhotlong, ka la 24 Phupu monongoaha.

Mookameli oa Morafo oa Letšeng, Gideon Scheepers, o re morero ona o qalile ka 2021 ha kamphani e haha litsi tse peli tsa tlhahiso ea mahe Thabang le Mapholaneng.

O boletse hore meaho eo e kenyelletsa matlo a balebeli, a polokelo, a likhoho, khokahano ea motlakase, phephelo ea metsi le terata ea tšireletso.

Scheepers o boetse a re ka tšehetso ea Letšeng, litsi tsena li ile tsa qala ho rekisa lijo tsa likhoho, literei tsa mahe le mabokose a ho paka mahe ho lihoai ho tloha ka 2022.

O hlalositse hore chelete e fumanoang ka likomishene tsa thekiso e reretsoe ho thusa litsi hore li ikemele le ho lefella litšenyehelo tsa tšebetso.

A boela a re ka 2025, kamphani e ile ea fana ka likho-

ho tse 1,600 tse seng li qalile ho behela le litsuonyana tse 1,600 e le ho matlafatsa botsitso ba morero, ho eket-sa tlhahiso ea mahe le ho ntlafatsa thekiso.

Mookameli oa Temo Seter-ekeng sa Mokhotlong Anna Seko, o ile a thoholetsa Letšeng Diamonds Mine ka tšehetso eo e tsoelang pele ho e fa lihoai tsa setereke ho matlafatsa tlhahiso ea temo.

O khothalelitse lihoai ho se-

belisana le liofisiri tsa kato-losa ea temo e le hore li fumane tsebo e hlokalang ho ntlafatsa tlhahiso bakeng sa khoebo.

Ho ea ka tlhaiso-leseling e fumanoeng, lichelete tsa morero ona li tsoa ho karo-lo ea phaello ea thekiso ea taemane ea boima ba likharate tse 910 e ileng ea sibolloa ka 2019. E 'ngoe ea chelete eo e ile ea behelloa ka thoko ho tšehetsa morero ona tlasa lenaneo la

boikarabello ba sechaba le kamphani.

Har'a merero e meng e moho eo Letšeng Diamonds Mine e e tšehelitseng Mokhotlong ho kenyeletsoa Liphamola 'Dairy Farm'.

Molula-Setulo oa Thialala 'Egg Circle Association', Tenelele Lehobo, o ile a leb-o ha kamphani ka tšehetso eo e faneng ka eona, a re e tla thusa mokhatlo ho tsa-maisa mesebetsi ea oona ka katleho.

Letšeng Diamonds e sebetsa morafo oa litaemane oa Letšeng o fumanehang Letšeng-la-Terae, Mokhotlong. Morafo ona o tumme lefatšeng ka litaemane tsa boleng bo holimo le bo ikhethang, tse kenyeletsang Lesotho Legend (910 carats), Lesotho Promise (603 carats), Lesotho Brown (601 carats), Letšeng Star (550 carats), Letšeng Legacy (493 carats) le Leseli la Letšeng (478 carats).



WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE
WE CARE



Call or whats App: +266 28350815/
22350224/ 68078124 (Whats app)

BANNERS

SIGNS

POSTERS

PRINTS

Mazenod PRINTING WORKS (Pty) Ltd
Prepare good People for The Lord



TSA KEREKE

Kopano ea Anna e hopola mohalaleli

Tšeliso Thakholi

Rameea oa Kopano ea Anna ea Halalelang boemong ba naha, Fr. Banedict Thaba o re motho ka mong o lokela ho phela a ikamahantse le Morena Molimo. Ka hona bo-nkhono ba Kopano ea Anna ea Halalelang ba e khethile hobane ba batla ho ba bo-Anna ea Halalelang, ka ho phela bophelo bo bokhabane ba hae le ho mo feta ka bophelo bo bokhane ba boikokobetso e le ho bontša batho hore na bophelo ba khalalelo bopheloa joang.

Fr. Thaba o boletse sena h'a bula ka Sehlabelo se Halalelang sa 'Missa, reterete ea letsatsi le le leng e neng e tsoaea ketekelo ea Mokete o Moholo oa Sehopotso sa Nkhono Anna le Ntate-moholo Joakime ba Halalelang, e bileng Se-ea-le-Moeeng sa Kereke e Katholike, Maseru,

Halalelang. "Empa le teng moelelo ke hore ba se ke ba bo phela ka boikhamantso, empa ka mokhoa o khethihileng oa boithlomphe e le hore bophelo ba hae botle bo hlomphehe pela Morena Molimo."

A khotlaetsa bohle ho khetha ho phela bophelo ba leholimo e le hore qetellong "le tle le tsebe hore ke 'na enoa ke hlaha pela hao morena, ke phethile thomo ea ka holima lefatše. Ha kea lahla letho ke phethile thomo eo o neng o mphile eona morena."

Hang kamorao ho Sehlabelo se Halalelang sa 'Missa e bile thapelo ea Rosari ea Anna ea Halalelang. Hang ho ba e fele Motlatsi oa Mookameli boemong ba naha Mofumahali Alexina 'Mamohau Mosebet-sane o ile a fana ka thuto mabapi le tsamaiso le litsoanelo tsa morali oa Anna ea Halalelang, moo a boletseng hore tsamaiso ke matla ao motho a nang le ona a tšusumetso ho ba bang, a khamnoa ke moea oa cheseho o ka ho eena, a na

fumahali 'Mampho Debra Rabele eena o ile a bua ka borapeli moo a itseng ke sehlohlolo sa Kopano ea Anna ea Halalelang eo ba molatelang. A supa hore ke tsoanelo ea hore setho sa Anna se rapele le ho rapella ba bang, ho rapella Kereke, Rabalumeli le bohle ba mo hlahlamang. A re setho sa Anna ea Halalelang se lokela ho tsejoa ka thapelo, metsamao e metle le ho phela bophelo bo supang khalalelo. "Thapelo ke boinehelo bo Morena Molimo," a rialo.

A phethela ka ho eletsa litho tsa Kopano ho phehella ho rapela ka linako tsohle, kaha thapelo ke sebetso mererong eohle ea bona, "me rona re le litho tsa Anna ea Halalelang ha ho letho leo re ka le etsang ra atleha ho lona re sa rapele. Ka hona phehellang ho khumama le rapela ka mehla."

Thuto ea ho qetela ea letsatsi leo e neng e le holima lirelika, e ile ea fanoa ke Mofumahali Baptista Mokoma-Mohale. O ile a bontša hore lireleka ke



ka Sontaha sa la 26 Phupu monongoaha.

O boletse hore bohle ba lebelletsoe hore e tle ebe bahalali joaloka Nkhono Anna ea Halalelang. "Mohlomong re be re halalele le ho mo feta ho latela bophelo ba rona ba mehleng ena har'a mefere-fere e mengata ea lefatše, kaha batho ba khetha lintho tse ngata tsa lefatše lena. Empa ho bohlokoa motho ea khethang se nepahetseng se tla khahla 'Mopi oa hae.'" A rialo.

A re hore motho a khetha se nepahetseng o lokela ho qala pele ka thapelo hobane ho khetha Kopano ea Anna ea Halalelang kahare likopano tsena tse ling tsa kereke, ke bopaki ba hore ba batla ho phela bophelo bo hloekileng, ba 'nete bo bileng bonang le Moea o

le pono le kholiseho e nang le sepheo.

A re motho ka mong ona le neo ea tsamaiso empa hore e be ke motsamaisi oa bo abeloa, ebe oa bo ananela ebe o fetoha mosebeletsi. A bontša hore Kopano ea Anna ea Halalelang e ipapisitse le hore na Kereke e reng, 'me sepeho sa bona kahare ho Kereke ke ho ikhalaetsa le ho phela ka lentsoe la Morena Molimo. A tiisa hore Kopano ea Anna ea Halalelang ha e sa le e ntse e ena le boetapele, 'me e ntse e phela le ho tsoelapele ho ikhalaetsa ka lipolelo le ka liketso. A qetella ka ho supa hore tsamaiso ea kopano e kolla bukeng e ngotsoeng ea melao le meetlo, e leng eona motheo oa mantlha oa eona.

Haele thutong ea bobeli Mo-

masalla a mohalaleli e seng a ntho efe kapa efe, 'me Kereke e ikholisa ka hohle-hohle hore e fela ho le joalo. A re lireleka li mofuta e meraro. Mofuta oa pele ke karolo ea nama ea mohalaleli ea joalo e ka ba masapo, mali le tse ling. A re mofuta oa bobeli ke liaparo tseo mohalaleli a neng a li rata haholo, ha oa ho qetela e le lintho tse ammeng mohalaleli oa mofuta o joalo. A qetella thuto ea hae ka ho ipiletsa ho litho tsa Anna ho 'na li imatlafatsa ka lireleka kaha e le sethusa-tumelo.

Retere ena e bileng matla haholo e ile ea koaloa ka thapelo ke Mookameli oa Kopano Boemong ba Naha Mofumahali Limakatso Ethodia Ntlhoki ea ileng a leboha bohle ba ke ntseng letsoho ho atlehisitsa reterete ena.

2025-2026 SELEMO A

SONTAHA SA 18 HAR'A SELEMO



Isaia 55:1-3
Pesalema 144
Ba-Roma 8:35.37-39
Matheus 14:14-21



Khothatso

Katiso ea mahobe

Mohlolo oa Jesu oa ho atisa mahobe a mahlano le lihlahi tse peli ho fepa batho ba likete tse hlano, hase pontšo ea matla a hae feela a se nang moeli, empa ke pontšo ea lerato la hae, lerato la Molimo oa batho.

Jesu o n'a sa tsoa utloa sa polao ea Joannes Mohlatsoi, 'me o na hloka sebaka sa ho phomola hole le batho, hore a tsebe ho rapela Ntata'e. Le teng o n'a rata ho bua le baapostola ba hae, ba nang ba sa tsoa fihla ba e-tsoa metseng le metsaneng, moo ba neng ba li'o khotatsa khetho la pele ka 'muso oa Molimo. Le bona ba ne ba lakatsa ho phomola le eena le ho mo phetela tsohle tse etsahetseng leetong la bona la baapostola.

Joale, Jesu le baapostola ba hae ba kena sekepaneng ho ea nahathotho ka ngane ho leatle. Empa ha ba fihla lebopong, ba fumana boieane ba batho ba tiileng ka maoto.

Ha re tsebe na baapostola ba ile ba re'ng ha ba bona batho bao. Re ka hopola feela hore ba ne ba soabile, hobane ba ne ba khathetse, 'me ba ne ba lakatsa ho ba hole le lerato la batho, ba tle ba tsebe ho qoqa le Jesu ka litaba tsa bona. Le eena Jesu o lakatsa ho ba inotši le baapostola ba hae, empa a bona sechaba se sengata hakalo sa batho ba nyoretsoeng ho ba le eena, ho utloa lentsoe la hae le ho fumana melemo e tsoang ho eena, a ba utloele bohloko, a ba ruta 'me a folisa bakuli ba bona.

Ketso ena ea pele ea Jesu e re bontša mohau oa hae. O n'a e-na le mosebetsi o mong, o n'a lakalitse ho phomola le baapostola ba hae, empa ka lebaka la lerato la hae ho batho, a fetola morero oa hae, a itela 'me a ba sebeletsa ka pelo ea hae eohle.

Ke thuto e kholo ho rona. Ka nako e 'ngoe re ikutloa re khathetse, re rata ho phomola, re se re bile re memme metsoalle ea rona, eo re tla ithabela hamonate le eona. E be ho hlaha ntho e 'ngoe, eo re neng re sa e labella, e hlohang hore re e potlakele. Moleko oo re oelang ho oona hangata ke ho hana ho fetola morero oa rona le ho phallela batho ba hlohang thuso ea rona. "Ha rena sebaka," "Nako e se ile." "Ba liehile ho fihla." Re khathetse, 'me re hloka ho phomola. "Re na le baeti, 'me re hloka sebaka." Ka mohlala oa hae, Kriste o re ruta hore re tsoanetse ho rata bana babo rona kamehla, le ho ha hlaha thusong, leha e le ka nako esele, 'me re khathetse, kapa ho ba thusa joalo ho re bakela khathatso e kholo.

Mantsiboeng a letsatsi leo, baapostola ba ne ba hopola hore joale ho lekane. Ba kopa Jesu hore a qale batho ba e'o ithekela lijo metseng, e le hore le eena le bona baapostola ba tsebe ho phomola joalokaha ba ne ba lakalitse. Empa lerato la Jesu ha le na moeli, ha a utloisise ho qhala batho ba lapileng a e-na le matla a ho ba fepa. Joale a etsa mohlolo oa pele oo re o tsebang: o atisa mahobe a mahlano le lihlahi tse peli, sechaba sa e-ja sa khora, lijo tsa ba tsa sala.

Morena Molimo o tseba hantle hore re hloka paballo ea ha kamehla. O re bopile re se na letho, re se letho, 'me ho fihlela lefung la rona, esita le kamorao ho lona, re tla 'ne re be matsohong a hae, re hloke thuso ea hae. Morena Molimo o re baballa ka lerato le se nang moeli. O re rata a sa khathale, 'me o rata hore re mo etsise, re rate batho ba bang joalokaha a re ratile.

Rona re leka ho rata bana babo rona, empa hangata re seha moeli leratong la rona: ha re rate bohle-bohle; ha re ba rate ka linako tsohle, 'me re sitoa ho ba thusa ka lintho tsohle, leha re ka rata ho etsa joalo. Re khathala kapele. Ke eona pontšo ea hore lerato la rona lea fokola.

Ea ka matlafatsang lerato la rona ke Jesu ka sebele. O re fepa sakramente ea Eukariste hore hanyane ka hanyane lerato la hae le fetela ka ho rona. Mokriste ea utloisisanang le takatso ena ea Jesu 'me ea amohelang khafetsa ka morero ona oa ho fetola pelo ea hae le ho amohela lerato la Kriste, mokriste ea joalo o fetoha Kriste e mong, hanyane ka hanyane, o tsoana le eena 'me a qala ho rata batho ka lona lerato la Kriste.

Morena Molimo ha a fetohe. Bophelo ba hae ke ho fana, ke ho rata. Ha e sa le a le joalo. Thutong ea pele, re utloile mantsoe ana ho moprofeta Isaia: "Lona bohle ba nyoriloeng, tloong metsing. Tloong le lona ba se nang chelete. Le noe veine le lebese mahala, le sa lefe."

Rona batho, ha re tsebe ho fana, re tloetse ho rekisa. Molimo eena o fana feela, hobane lerato la hae le hloekile. Rona batho re tloetse ho reka ntho tse se nang thuso, lijo tse sa khoreheng. Isaia o re hlokomelisa, o re: "Ke'ng ha le senya chelete ka tseo e seng lijo, le moputso oa lona ka tse sa khoriseng? Re tloetse ho batla lehlohonolo moo le leng sieo, re lebala hore ke Molimo feela ea ka re khorisang.

Ha re hloke metsoalle e mengata, chelete e ngata, lijo tse ngata. Ha re hloke ho e mabenkeleng a mangata. Re hloka ntho e le 'ngoe feela: ho etsa selekane se tiileng le Morena Molimo le ho tšepahala ho sona. Ha re ka etsa joalo, ntho tsohle tseo re li hlohang, re tla li fumana ho eena. Morena ke molisa oa ka, nke ke ka hloka letho.

Bahalaleli har'a Beke

3	Phato	Trea
4	Phato	John Vianney
5	Phato	Afra
6	Phato	Agapitus
7	Phato	Donat
8	Phato	Leobald

Ba phahamisa folakha ea Lesotho



Tšeliso Thakholi

Folakha ea Naha ea Lesotho e ile ea phahama lekhetlo la pele, lipapaling tse ntseng li tsoelapele tsa Linaha tsa Selekane (Commonwealth) kamor'a hore likhalala tsa Lesotho tsa lipapali tsa mabelo le litebele, e leng Mojela Kone-

she le Pooane Khoahli ka tatellano ba atlehe ho hlola lipapali tsa bona lebaleng la Scotstoun, Scotland ka Sontaha sa la 26 Phupu monongoaha.

Koneshe o hapile lebelo la bolelele ba 100m ka nako ea 10:07, 'me o atlehile ho ntlafatsa linako tsa hae haholo papisong le lipapali tse bileng Naheng ea Birmingham ka 2022,

moo a ileng a matha nako ea 10:46. O tlii'o fetela ho makhaola-khang a tlang ho ba ka Labohlano bekeng ena. O ile a halala likakapa tse kotsi haholo mabelong ana a makhutšoanyane e leng Mark Otieno oa Naha ea Kenya ea nkileng nako ea 10:38.

Ka ho baroetsana Nthabiseng Letokoto o hapile lebelo la bolelele ba 10 000m

ka nako ea 34:52:00, 'me le eena o fetela ho makhaola-khang a tlii'o bapaloa ka Labohlano bekeng ena. O tlii'o kopana le limathi tse matla haholo tsa Naha ea Kenya e leng Diona Wanza ea mathileng lebelo lena ka nako ea 31:50:13 le Miriam Chebet ea tsoileng khoeleng ka nako ea 32:12:97.

Ka lehlakoreng le leng khalala ea papali ea litebele Pooane Khoahli le eena o e ntse hore Basotho ba be motlotlo ka ho hlola Cope Martez oa Naha ea Jamaica ka makhetho a mahlano boimeng ba 65kg, 'me o fetela mokhahlelong o hlahlamang oa makhaola-khang, moo a tlang ho nkhisetsana mahafi le Ziggy Agathe oa Naha ea Mauritius mokhahlelong oa seka-makhaola-khang.

Haele leeto la Realeboha Segoete boimeng ba 60kg lipapaling tsena le bile lekhotšoanyane haholo, kaha o hlile a hloleha ho hapa papali ea hae ea pele e neng bula lipapali tsena. O ile a hlahlangoa ke Mathealira Sehloholo boimeng ba 55kg ka ho hlolea ke Dixon Jye oa Naha ea Australia, Toka Litabe oa boima ba 60kg a hlolea ke Treasure Moremi oa Botswana

na ha Refiloe Thai 70kg a ile a tetelekoa habohlolo ka litebele ke Lorenzo Bonne oa Seychelles.

Lipapali tsena tsa bo-13 tsa Linaha tsa Selekane tse ntseng li tsoelapele Naheng ea Glasgow, sehlopha sa Lesotho sa libapapali se bopiloe ka bahlankana ba robeli le baroetsana ba tšeletseng ka lipapali tsa mabelo le litebele. Naha ea Lesotho ha e-s'o hape mentlele le ha o le mong ho tloha ka 1974 ha lipapali tsena li ne li qala, 'me tebello e kholo ea sechaba sa Basotho ke hore bahlabani bana ba Lesotho ba tlii'o tlela naha tlhola.

Naha e seng e itlhomme pele ka limentlele tse ngata ho tloha ha lipapali tsena li qala ka la 23 Phupu monongoaha ke Australia ka kakaretso ea limentlele tse 59, bobeling ke England ka limentlele tse 32, borarong ke Canada ka limentlele tse 21. Haele linaha tsa Afrika tse seng lihapile limentlele ke Nigeria boemong ba bo bone ka limentlele tse leshome le Afrika Boroa boemong ba bo tšelela ka tse 11. Lipapali tsena li tla fihla pheletsong ka la 2 Phato 2026.

Manonyane e bapala Mangaung

Tšeliso Thakholi

Sehlopha sa Liki e Kholo ea Vodacom sa Manonyane 'Matlaka' se tla e lata letailane Mangaung, Afrika Boroa, ka la 1 ho isa la 2 Phato monongoaha ho ea bapala lipapali tsa setsoalle le bompoli ba ABC Motsepe League e leng Mangaung Unite, ka sepheo sa ho ipekha sekaleng ho bona hore na se boemong bo fe bakeng sa lipapali tsa liki tse tlii'o qala mafelong a Phato monongoaha.

Ho ea ka motsamaisi oa sehlopha Khechane Nkhomo morero ke ho ea leka ho bona hore na ba lokisetsa selemo se secha sa lipapali ka tsela ea mofuta ofe, ka ho bapala lipapali tsa setsoalle kantle ho naha le lihlopha tse boemong bo holimo naheng ea habo tsona. A re sehlopha sena seo ba tlii'o bapala le sona ke sa tse ling tse nang le boiphihlelo kahar'a naha eo kaha e le bona bompoli ba bolo ea maoto Profensing ea Free State.

A re ba motlotlo haholo ke tsela eo bahlankana ba habo ba ntseng ba sebetsa

ka thata ka teng nakong ena ea boitokiso ba lihlopha tse Liki e Kholo, 'me ho se ho tsoa ho bakoetlisi feela ho khetha masole a tlang ho e hlanaka hang ha lipapali tsa liki li qala. A re ba boitse bana le libapali tse peli tse hlahang sehlopheng sa LCS 'Masheshena' e leng Refiloe Mothae le Tumelo Ngatane, ba tlii'o loana ea khumamele ho bona hore monongoa-

ha Manonyane e sebetsa hantle ho feta ngoahola. Ka mokhoa o tsoanang bahlankana bana e tlii'o ba karolo ea moifo oa libapali tse tlang ho lebanya thebe le Mangaung Unite.

A re ntlheng libapali tse ncha li ngata haholo empa ha ba e-s'o qete le bona, 'me ke hona ba tla liphatlalatsa hamorao empa haele tse tsamaileng kahare ho se-

hlopha ke Tsofeng Malesela ho ea LCS, Letlotlo Makobana ea ntseng a e-s'o fumane sehlopha, Mthenjwa Motsamai o ile sehlopheng sa Linare, Khothalang Lesetla o ile ho ACTIP, Kabelo Sepere le Keketso Seala. Athe ea khutlileng o mong feela e leng Lehlohonolo Jeremiah.

H'a thathiselletsa o itse entse e le ho matlafatsa sehlo-

pha ba tekenne konteraka ea lilemo tse peli le mokoetlisi Teboho Kokome, kamor'a hore mokoetlisi oa sehlopha Moshoeshe Moshoeshe a titimele sehlopheng sa Matlama ha lipapali tsa liki li qeta ho fela ngoahola. A tisa hore bonyane sehlopha se ikemiselitse ho hlaha bonyane kahar'a lihlopha tse robeli tse tlang ho ba ka holimo liking e ncha.



Berea Ladies e sireletsa Mohope

Tšeliso Thakholi

Sehlopha sa bolo ea maoto ea basali sa Berea Ladies se atlehile ho tšireletsa Mohope oa monongoaha oa Alliance Women Challenge kamor'a ho pshatla sa Setsi sa Tlhabollo ea Batšoarua (LCS) ka lintlha tse peli ho e le 'ngoe (2-1), papaling e neng e tlola litlhase lebalaleng la Bambatha Tšita Sports Arena, Maseru, ka la 25 Phupu monongoaha.

Tlholisano ena e neng e le ea letsatsi le le leng e qalile ka Moqebelo hoseng, moo bo-'mampoli ba sireletsang sekola lekhetlo la bobeli ka tatellano ba ileng ba sesera Linare Ladies 'Tse Tala' ka thupa ea 2-0, 'me ea tlameha ho hlatsoa jesi e se e tla leka lehlohonolo hape selemong se tlang.

Papaling ea bobeli LCS Ladies e ile ea tsoa ka le-

soba la nale ha ene e shapa Matlama Ladies ka thupa e bohloko ea 1-0, papaling e bileng bolutu haholo, kaha LCS Ladies e hlile ea tsohella ka letanteng ho hlaba ntlha ea tlhola pele. Ntlha ena e ile ea etsa papali e bolutu haholo, kaha LCS Ladies e ne e se iphomoletse e se e sebeletsa feela hore papali ea fele e tsebe ho ea ho makhaola-khang. 'Me ho ile ha fela ha eba joalo.

Makhaola-khang Berea Ladies e ile ea kolokochana le LCS Ladies, 'me e ne e hlile e le papali e khahlang mahlo haholo, kaha sehlopha sa LCS Ladies se ne se sa batle ho hloloa ke sa Berea Ladies. Empa kaha Berea Ladies ke sehlopha se seholo se bapalang liking e kholo, se nang le boiphihlelo papaling ea bolo ea maoto ea basali, se ile sa iketsetsa borata ka LCS Ladies ho fihlela Katleho Mafereka a hlaba ntlha ea pele eba 1-0.

Ha boemo e le bona, ea ba LCS Ladies e leka ho

fumana mekhoha ea ho sitisa Berea Ladies ho hlaba lintlha tse ling, ka ho ema litseleng tsa eona tsa ho leka ho e hlasela. Taba ena e ile ea mema Berea Ladies ho iphehla bohlale le ho feta, 'me Katleho Mafereka a boela a e lahlela ka letanteng ea eba 2-0. Ha e qeta ho hlaba ntlha ea bobeli e ile ea itebala hore e ntse e bapala le sehlopha se nyoretsoeng tlhola, eaba e bula lebota le kamorao ke ha Reitumetse Mpeka a hlaba ntlha eba papali e fela e

le 2-1.

Ke selemo sa bobeli lihlopha tsa banana tse ikarabellang lihlopheng tse kholo tse kang Lioli, Matlama, LCS le Linare libapala litlholisano tsena tseo lihlopha tse kholo likhahlametsoang ke Kampani ea Alliance, 'me ngoahola ha litlholisano tsena li qala Berea Ladies e ile ea ikhapela mohope ona lekhetlo la pele. LCS Ladies kaha e ile ea hlaha bobeling lipapaling tsa monongoaha, e hlakotsoe meokho ka limentlele tsa silifera.

Ke hona lipapaling tsena moo Katleho Mafereka oa Berea Ladies le Reitumetse Mpeka oa LCS Ladies bobeli ba ileng ba ikhapela likhau tsa ho ba bahlaba lintlha ba hloahloa, 'me sebakali ka seng se hlabile lintlha tse peli. Haele Limpho Nthako oa Berea Ladies ea eba sebakali se ipabotseng ka papali ea sona e tsoileng matsoho. Athe Lipuo Tana oa Berea Ladies o ile a makatsa ba bangata ka ho ikhapela khau ea hoba sethibathibane se hloahloa.



Palo ea bakoetlisi e'a e ketseha



Tšeliso Thakholi

Nakong ena eo lihlopha ka ho fapakana ha tsona li ntseng li itokisetse ho tla qala lipapali tsa selemo se secha tse tlii'o thakhoha ka Loetse monongoaha, palo ea bakoetlisi ba lihlopha tsa bolo ea maoto tsa Liki e Kholo ba ntseng ba tloha lihlopheng tseo ba neng ba likoetlisa selemong se fetileng sa lipapali ho leba lihlopheng tse ling, e ntse e eketsaha nako le nako.

Monghali Mosholi 'Shoes' Mokhothu ka moo a reneketsoang ka teng mabeleng, ke e mong oa bakoetlisi ba

sehlopha se sa tsoa kena lihlopheng tsa Liki e Kholo sa Mzamane ea seng a lebile sehlopheng sa Lioli 'Tse Nala' tsa Teyateyaneng seterekeng sa Berea, ho ea ba motlatsi oa mokoetlisi e mocha oa sehlopha seo e leng Monghali Blessing Moyo.

Ho feta mona, Monghali Moshoeshe Letsie eo e neng e le Mokoetlisi oa Manonyane o amohetsoe ka liatla tse peli sehlopheng sa Matlama 'Tse Putsoa tsa Motse-Moholo Maseru' ho ea sebetsa le mokoetlisi Thabile Secker e le motlatsi oa hae. Ha lihlopha ka ho fapakana li ntse li tsoelapele ho ikatela le ho matlafatsa lihlopha tsa bona, sehlopha sa Members ea Machekeaneng tikolohong

ea Mazenod se amohetse Monghali Katiso Mojakhomo e le mokoetlisi e mocha oa sona.

Mojakhomo o nkile sebaka sa Monghali Tiisetso Moete ea seng a le sehlopheng se seholo kahare ho naha se tsoa hapa Mohope oa Vodacom Premier League ngoahola e leng sa Lijabatho 'Mahala' ka moo barati le batšehetsi ba bolo ea maoto ba se bitsang ka teng. Moete ke motlatsi oa mokoetlisi e mocha e leng Monghali Kabelo Malapane.

Haele sehlopha sa Limkokwing University 'LUFC' sona se khethile le ho ananela Monghali Mampe Letlatsa e le mokoetlisi e mocha ea tlii'o sebetsa le



sehlopha selemong se secha sa lipapali, 'me motlatsi oa hae ke Monghali Ntlaloe

Ntlaloe nako ea selemo se le seng sa lipapali. Letlatsa o kene lieteng tsa Monghali Motebang Makhetha eo e neng e le mokoetlisi oa sehlopha ngoahola.

Liphetoho tsena tse ngata tsa bakoetlisi tse ntseng li etsahala nakong ena eo lihlopha li ntseng li itokisa ka matla a maholo, morero o moholo ke ho ntlafatsa talenta ea libapali haholo-holo ba ntseng ba le bacha lilemong le ho holisa papali ea bolo ea maoto kahare ho naha. Barati le batšehetsi ba bolo ea maoto ba lebelletse ho tla boha lipapali tse khahlang mahlo tse bileng lintlafetseng, haholo ka lebaka la liphetho tsena tsa bohlokoa tsa bakoetlisi tsa ho leba lihlopheng ka ho fapakana ha tsona.

